

## 09.03 PROFIL

---

### **Marianna Manetsch – «Jau vom cun il chau sut bratsch tar il medi»**

*Di Marianna Manetsch, ch'è sezza media da chasa. Ina media pragmatica, che surlascha la responsabladad davart la sanadad a sias pazientas, ses pazients: «Ti decidas, jau accumpognai».*



Marianna Manetsch è creschida si a Mustér. La matura ha ella fatg a moda speziala. Ella ha tratg vi la scola claustrala a Mustér, ha fatg in emprendissadi commercial sin banca per suenter far vinavant cun il gimnasi a la Scola chantunala a Cuir e daventar media. Ma al gimnasi gievi memia plaun per ella. Perquai ha Marianna Manetsch decidì d'emprender suletta per la matura, e quai en in enstagl en trais onns. Avant che vegnir a star en Surselva, a Sagogn, ha Marianna Manetsch vivì cun sia famiglia a Basilea. Dapi 5 onns ha ella in'atgna pratica sco media da chasa a Glion. «Medis da chasa èn savens Sherlock Holmes». Quels vulan chattar ora pertge ch'i va propi. E quai è er tar Marianna Manetsch mintga di la sfida. Da chattar ora tge ch'è il motiv ch'insatgi stat mal, ch'insatgi è malsau.

*Redacziun: Claudia Cathomen*